

太上說玄天大聖真武本傳神呪妙經卷之四

鄺八方四子佩身玄內教錄陳俗集疏

妙行真人曰功德之妙顯應之因幸以竊聞
頻開迷悟其有變夷之輩惡泰之人耳縱得
聞心無所信設有果報可不一言

真人已得扣知玄武修身功著德行明妙
顯靈應化隨因成就一切歸依念靈人也
又乃攝問惡泰之人崇崇誦誦變夷之輩
惡頑不達豈敢天地誰信神真然各有條
例報之有不信重玄武者其報何若哉

○禁微大帝曰雖云惡泰必識交涼縱處變夷
須知苦樂

大帝捷證去妙行之疑曰炎熱涼寒苦愁
樂喜且誰人不識知歟於是世人歲月延
邐太上先遣胡老君同角亢房心尾箕
行化東方九夷之國羌老君同斗牛女虛
危室壁行化北方五狄之國氐老君同奎
婁胃昂畢觜參行化西方六戎之國越老
君同井鬼柳星張翼軫行化南方八蠻之
國僖老君同魁魁魁魁魁行化中央

中原之國禮記曰五方之民然則語默不
通嗜慾不同則各有安居和味宜服利器
既為物中之靈豈不知識苦樂炎涼者哉
如到此地者必懇謝上真也露恩者豈忘
奉祀

信則神鬼清爽

信則者能誠行五常法則也自然神心清
潔鬼意爽明矣元君曰人有一善心定體
安虛皇天尊曰人有一善百神俱泰曰人
有者因暗循而果經況千善萬善必躋大
道矣

違則禍患繁仍

違則者是非表而動背理而行者也因惡
稔至期禍患繁仍旋繞困重而頻遭矣大
帝造慈略警此之八報也世有勤奉玄帝
香火者則災隨電散福遂雲生

致使富之兒孫

人間五福一曰壽二曰富處富地者福矣
無子孫者孟子以為不孝之罪昔華封人
請祝曰願堯君壽富多男子堯不願祝育

子不肖如無位同舜塔也子亦如之禪位
臣禹揚子曰螟蛉之子殪而逢螺贏祝之
曰類我類我久則肖之矣速哉七十子肖
仲尼也且以堯舜事比之足可見子孫事
聽上帝命元君曰人宿世有五十善得見

世子孫繁息立九百善者世生賢聖也應
運經曰大道鼎分西方曰佛名南無常觀
自在境之普門願從人所請欲設復世人
禮拜供養求男求女求女況玄帝及
三茅真君亦從人所願豈不聞王植朱牧
之事因乎按啓聖記皇佑年間冀州觀祭

使除殿前檢校王植妻壽昌郡君焦氏見
後園石榴樹一枯枝煙發以水沃化成圓
光現真武焦氏拜扣凡塵賤骨幸得遭遇
上真降救度兒身也妾聞終身無嗣大為
業賤真武遽降慈旨曰遇吾釋願汝之誠
感也可候來年三月三日祚真觀內與汝
一子焦氏拜謝竟失聖跡歸白夫主適遲
至期夫婦同詣是觀炷香於稠人中忽逢
一子兩手揆定王植焦氏約六七歲云無

父母植引歸教養自然聰敏作親面奏恩澤仁宗宣問知卿無嗣植一一具奏來因上賜名王淵許越國長公主為親武舉及第冊寶充附馬都尉賜宅又啓聖記饒州樂平縣人朱牧登仕版處政公平居鄉謙謹一生恭勤真武香火自念無子適七月七日聖降夜妻云纔夢一道士自袖出碟盛棗一枚飼我曰天錫仙人棗也令我吞之味香透體收觀果異香偏室矣至來年誕一男子就名天錫五歲記誦聰敏七歲名播四方承神宗詔宣天錫登殿試誦經史百家並無訛舛又能捷對御題上悅賜承務郎及買書金幣三司看詳朱牧神童亦為國家祥瑞漢相陳平曰我多陰謀道家之所禁忌吾世則廢矣乎自知致富貴地之子孫也按保嗣章嗣續衰微者宜贖命放生解之也

貧多子息

原憲曰吾聞無財者謂之貧孔子曰貧而無諂顏曾之謂歟且顏回亞聖智曾次大

賢人尚墮于身貧之報而況有諂乎貧多子息者乃宿尤也天文洞章曰生遇困窮無所依託復有冤家會遇作諸眷屬日月憂惶共受貧薄遭逢凍飢一時難以解釋但息惡念不生怨意是名內和必可速離諸障漸圓成也若憎妬不息墮入惡趣矣趙起感夢錄云一夕夢後妻前夫尚書員外郎李庶到起家再拜求謁曰幽府今責吾定罪日訖只今託生七帝坊窮巷內劉家作女身也吾聞渠家甚貧欲多子欲殺吾難復人身矣言再三曰痛哉辭謝訖揮涕哭而出也起覺語妻范氏亦云如斯夢意黎明急訪劉家果生一女將沉溺于水中命在須臾趙起贈金救李庶脫溺死之地也大抵貧富倚伏天理變更誰能測之試且以吾一鄉觀之不十年間貧富反覆子息增損又何嘗無聚散乎凡有識之士常樂貧奉正候造物自成矣按啓聖記載宣城有閩民唐坦者家多子息安貧守分度其生也唯季子唐憲承接祖宗家堂真

武奉祀香火未嘗私替忽值冬雪霽遇一窘客出一銅像坐相真武來投憲實價贖之迎歸家舍香湯刷洗其垢淨乃是真金約重五十餘兩憲忘收價不登述情捧納入官本州正剗刷上供錢帛就具因由併進續據朝廷回降劄子看詳金像真武自進入內院光明圓赫顯是吳瑞仰宣州支撥省庫錢五百貫給付唐憲充折金價憲請領歸家均付兄弟忠愈愿等子姪各營生業不日皆為富厚之第憲捨自己分財重新建造太極觀殿答謝真武佑賜也大抵貧窮之人常事當隨分受今生之報沉寒谷亦自然有春氣到日也

或男值兵戈而殞命

男正位乎外尚忠良盡其道而死者正命也棄忠良逞猛愚者必當違兵戈殞歿則死非為正命也禮天官曰良兵良器以待邦之大用故知兵本人立干戈兵器也史律詩云兵者聖人所討強暴平亂世奈何外有四夷寇擾國境內起猖獗叛亂邦疆

大抵數也。皇天無親，惟德是輔。耳老子曰：樂殺人者，不可得志於天下。夫胡不聞王顯陳疇之事乎？使相王顯淳化初年持節知定州，忽一道士破冠弊褐，鬚若剛鬣，口角至耳，詣公廳刺謁，乃自稱曰：吾管轄鄭都觀公事，昨準上帝牒下，善魂二萬名，吾今未與收入死籍，在公殺不殺，宜自擇。公若果殺，雖名彰勳重，天曹反減公壽十年。願謂強人不聽，怒叱之，逐出。未幾，契丹有兵侵入邊境，獵梁門寨對壘，久之，適天雨雪，疲困，兵久公乘彼無備，全兵夜擊之，擒敗卒次日戮於築京觀，側計首級二萬顆。顯方悔悟，事追不復。及秦朝廷蒙重賜，褒詔除樞相，不旬日果暴卒。啟聖記曰：宋朝戶部尚書陳疇，出除越州，忽承詔宣，再令赴闕，事涉頗疑，疇詣乾明觀，登真武殿，炷香禱籤，獲黃真君第四道辭，意甚難，呼夏高廟祝禱，籤揚叻詳，斷叻曰：公必當建旄節討東北鬼路猖獗之事，此籤非吉兆也。去則應在百二十日，主定惡死，公忌令

叻勒伏狀繫獄，姑候其驗。疇至闕，庭果投郵州持節安撫，領兵馬都鈴轄事，出討齊州虎頭山，賊黨軍劫何清等事，疇總接兵夜遭寇突，整騎着荒陞二崖，壘無計支持，忽電破暗視一披髮神人，仗劍招疇不覺同騎俱存于路，漸而黎民得回生營，再約日戰，清等伏擒，疇具因敷奏一端，詳節及續狀保明，楊叻籤斷三省看詳，特賜楊叻精藝一官，按月給俸，充夏高廟香火事，朝廷遣中使降御香，下乾明觀，章醮啓謝，真武顯靈神休也。樂殺人者立見促壽而死，疇於死地而生，太上曰：又枉殺人者是易刀兵而相殺也。

或女罹淫孕而傷生

女正位乎內，慕清潔則闔門肅正也。孔子家語云：男子二十而冠，女子十五許嫁，然後道合成，惟命之孺。夫婦者義屬天倫，父子子子也，不謹行藏，三禮義欺，暗室蕩女，獲婦通私情，以倫期為事，女子迷感私意，交通懷孕，偷生設殯，隨之不懼罪福，不

畏惡報，或臨生時多方狙詐，圖絕人謗，似此非一沉官刑有禁，禦男女無別之醜，以防淫亂之奔，又或有主婢私通，婢懷娠，其子不育，聽主母意，及不與將理產身，而已非惟主母墮罪，育主亦同，或者又厭多兒女，輒輕棄之，然則世網可逃，暗中報冤鬼責，漸至豈不聞穎娘與王堯臣女孕事，及紀可信女，誠世乎有穎娘者，銜怨憂孕，復狀于多暗，自損胎屢矣，又復有孕，亦用藥觸之，血遂洞下，伏枕六年，苦楚萬狀。

一日家人明見數箇提孩在牀，挽撮琅然，叫聲曰：索命事，穎娘方絕，按普州記，紀可信一女小名曰引鳳，偶病入冥，經日而還，現告其父曰：兒初被二吏押入一城，兩畔數處，庭落門上皆有牌額，及見一所門內無數罪人，男子縛抱出火銅柱，婦女壓臥大矢鐵林，眾多牛頭馬首之卒，持戟監押，繞赴者皆聲悲慄，兒不忍觀，聞遠問吏，吏答云：此償生前尚姪傷生之報也。又拘兒行至一殿，見殿中坐一王者，左右紫袍牙

笏班從殿下俄頃押至眾多荷枷婦女各被嬰孩扯掉有冤聲云索命事主者詰由不報須臾皆斷結訖兒聞送還生人道骨肉聚散貧窮困苦分裂絕嗣姪穢之報紀可信聞依語書為世誡矣啓聖記載舒州全部員外郎王亮臣親生一女未婚若姓二年不產恒令二婢伺察奸邪女忿其恥奔園自縊忽聞有聲自空叱曰女子未可枉拚其命婢聞馳救解繩將歸公聞訝訝召靈仙觀道士陳居巽具因中稟家堂真武問女忽自附神道說已過前身乃是藥婆賄貨毒藥與人打胎枉殺貴命有此罪咎上帝震怒罰我今身受耻辱之報毒氣衝塞心腹若孕今得遇上真脫自縊死免墮他趣言訖而甦亮臣即醮謝真武之恩警備於世生神章曰夫人得還生於人道濯形太陽驚天駭地貴亦難勝於爾何負而乃肆殺之棄人及厭多生也

常出入於訟庭

老子曰知常曰明不知常妄作凶謂巧詐

也類凶訟出入公庭者不無欺凌願強勝耶孔子曰聽訟吾猶人也必也使無訟乎大抵官清廉乃能決曲直予奪一定兩訟伏矣若是不廉不智棄法受賂引縱頑民猾吏結交使諸屈者暫寬莫伸也惜其不知一法一律天曹地府水司管主之陰考陽治刑政一以貫之反報無毫分差矣翊聖降言曰盡力事君政事謹勤濁財勿顧邪事莫聞整雪刑獄救療人民動合王道自為吉人積愆為咎必有沉淪 福記

云吾被攝入冥司偶見同邑人郝丙荷枷二吏拘之泣訴吾曰緣我主前曾強侵隣家張先空地三尺成蒼溜水溝矣張先在世屢訴不行事久湮沒今在陰司訟我今仗事矣此情無由通達我于我于流落建昌張先子亦徙陝府且幽冥路隔今幸君還煩賜一言之重拉吾兒還割還地庶吾得決不然永繫于此也福果遂魂持與決之聲播於世矣啓聖記載蔡州百姓錢舉証親弟為異姓財產數萬不與均分結

賄官吏弟訟不伸經御史臺檄下許州差通判徐沂往蔡州置獄鞠勘間被推司楊仲和受舉縣裝點公事將干證人朱惜姐供狀撲弄為非沂函莽失究科朱惜姐屠杖十三斷絕無辜矣沂任滿磨考齟齬不行因就天慶觀命道士裴君史投詞保助轉官自更闡楚詞伏壇至四鼓方興君史謂徐沂曰吾到三天門見北極大帝領真武入奏公斷蔡州錢舉公事不當遽蒙旨曰徐沂心詞只留在此恐金錄召問汝奏對必有差大恐不使吾即便回之沂聞大懼未幾乃卒時推司楊仲和驚怖辭吏棄財施貧造善勇於改過財盡齋籤日糊其口命終尸解真武收錄充東嶽麻溪注祿主簿事連聖聽敕封楊仲和號悟本府君就許州建祠令人享敬矣比之以曲為直刑加無辜乃是違法徇情惹健訟者誠親壞教豈不畏天地真司軌言上帝降罰至時看君如何逃乎

每沉淪於苦海

每者事事也沉淪者行藏汨沒也苦者自煎熬也海者喻日生無窮世事也元洞玉曆章曰苦海喻之火宅而幸世人貪迷執著翹徒相結不知劫會惟樂乘樂卒無定安火乃燧人所出化爲炎苦之海佛說四相受緣愛愛緣生生緣老病死是煎熬之苦出沒膠擾浮沉曰蒙海太華上人曰以利返之以高下之以前後之以貴賤之以衰感之不執不著不貪不慾人能奉行乘渡波涉臨之筏也清淨經曰衆生所以不得真道者爲有妄心既有妄心即驚其神既驚其神即著萬物既著萬物即生貪求既生貪求即是煩惱煩惱妄想憂苦身心便遭濁辱流滾生死常沉苦海永失真道碧虛子曰人爲一器俱屬塵中日鳥月兔交馳積成起滅天關地軸旋轉倚伏輪迴悲夫世人放七情縱六慾務快身心貪嗔癡殺盜淫生死難度豈思生前暗削祿家遭橫禍除年死後則業海潛地拘魂謝罪憾云人間之北有大荒溟渤海其水腥穢

無邊中有鄼都羅山上參碧落下入風泉中置九幽立三十六大地獄東爲整雪死魂生前罪展其中所尊者北陰鄼都大帝總判刑名都司洎無間一十八大阿鼻地獄及二十八宿治園皆爲理冤之所獄中草木甚於劍戟猛獸攫槍噴煙吐火爍空蓬勃晝夜不停獄官鬼吏忤執不慈拷掠囚魂豈容情哉太上聽設地獄境界乃人平生作業受報之地也啓聖記載真武上詣太清境朝謁本師太上老君告曰吾以汝降伏天下妖魔清寧宇宙尚諸衆生競赴輪迴經歷地獄汝當普度見善者以福加之化惡者以善解之汝宜更修其果真武遵奉而作頌曰衆生造善與吾齊身我登證果亦同好因說是頌畢跪辭回職府乃垂世訓言夫欲修仙道先修人道人道者恭謙美衆慈惠溫良濟物利生欽心奉正節儉事親修仁義行方便強莫驕莫恃憫孤寡垂慈念此人道也人道尚不能修去仙道則速矣

銷磨產業
士得田供祭民農田養口賴四時造化五谷豐登雖一升一合之數各有分受美或者田園徧野倉廩盈溢尚生窺覷他人腴產墨子曰非無安居無安心也老子曰咎莫大於欲得應運經曰將來于世衆生昏沉不能知覺復欲遠求廣利強立世世豐厚子孫徧侵土地立棟成宇此謂修業以待其報也大抵恒產田祿天付限即多寡自然豈苟婪得哉應誣婦產業並屬恬昭罪氣洞管攝目爲貪廣罪削爾田宅之籍陽與銷磨產業也玄帝勸文恬煥身心災穢不生惜物究性自然無病明察賢愚蹇鈍自無光明照了俗榮決少人若空靈何謂實踐往來來往氣騰之精雄雷風電世民皆見速報分明天空顯現勿昧本心莫多慳占孝憐骨肉和美同春里朋如親少貪多戀救困施貧忠誠謹儉滌除頑塵昆睦和宴執淨守清神明贊願壽益無虧子孫榮健生不遭苦劫之纏死決免冥鞠聲

辯今日吾書普勸文願得瞻之况邪免能錄十幅貼諸方時疫瘟災不敢現若愚瞶謗我之言拘寬直送鄴都歛

耗散資財

制命急務衣食最先必本資財活身閭屋莊子曰錢財不積則食者憂廣求慳吝苟富而矣墨子曰非無足財無足心也孔子曰富與貴是人之所欲也不以其道得之不處也老子曰禍莫大於不知足又曰知足不辱虛皇經曰財為患之本聚財如聚業財為愛慾根能起一切罪多藏以其厚也惜其不知掠剽鬼使張璠夢友人常元方曰吾掌世人日用一飲一啄以至資財皆有所籍其獲有限苟過一物一錙吾統鬼卒千萬皆與其掠之事屬鄴都紂絕陰天總司主攝蓄非道之財遣發本洞鬼卒託生其家俟期與耗散矣按佑聖經保命真人曰不以心妬賢恐天之禍不以輕父母恐天之怒不以毀謗聖恐天之災不以貪非利恐天之損不以損於人恐天之

墮不以害於人恐天之報玄帝垂降格言矯妄求榮名譽不揚刺刺至富子孫遺殃行恩布德福祿來朝家德薄味壽命短長母欺暗室母昧三光正直無私赤心忠良天地介社神明衛旁延生度厄必濟時康

蓋緣自咎故獲斯因

太甲曰天作孽猶可違自作孽不可活

此神將所在擇妖縮首邪道遁形

凡有建立玄帝聖像殿堂境域所在及所所在在廷設影像之家有妬福擇妖聞真司則自當縮首或與災邪道親旋從則無不遁形

是以來之者福逐雲生災隨雷散

詩曰昭事上帝聿懷多福翊聖訓曰加香虔答於高宮守性鍊伏於己體如能躬謹時有自然福慶相逐感瑞氣生矣瑞氣者一曰慶雲見為喜氣生福之先鍾為五福百福俱臨爾體福者於事繁遂順者謂之福北斗經曰五方降真死萬福自來并升者合轉也又曰削落三災九厄保見今春

屬安寧書曰惟天降災祥在德度人經曰萬災不干神明護門雷霆兵吏常隨行府殄散災異

宜也

汝因懇問吾故泄機陳道紀於微源使天民之巨慶言雖簡要欲汝曉明非乃至人秘之宜也
大帝語妙行果有宿因而今懇問耶天道紀者乃授度之年載也用證玄武微妙源流也信奉者名天民受巨慶莊子曰人有倚者乃今之常有恒者人舍之天助之人之所合謂之天民按上清真訣云人生於世不知修道與草木飛走無殊者謂之凡人也凡人之中了然覺悟起心修道欲求長生者可習此簡要經旨則妙行及我等皆可易曉明此義莊子曰不離於真謂之至人荀子曰明天人之分可謂至人也非能明豈謂至人如昔韓元壽精思入室誦經不專一旦天火焚屋經飛上天於九十年中元壽化為木精矣况今人輕授受之報當如何哉

1 017 A 06 6-0